



ALDI NAPREDNI INSTITUT ZA TEHNOLOGIJE I INOVACIJE  
USTANOVA ZA OBRAZOVANJE ODRASLIH GORAŽDE  
Panorama b.b.  
73000 Goražde  
Bosna i Hercegovina

## PRAVILNIK ZA IT KURSEVE

Polaznici IT kurseva u ALDI “Napredni institut za tehnologije i inovacije” Ustanovi za obrazovanje odraslih Goražde (u daljem tekstu: AITI), dužni su pridržavati se sljedećih pravila:

### **Upis na kurseve**

Korisnici su dužni prilikom prijave i upisa na kurs ostaviti tačne podatke na info desku: ime i prezime, kontakt telefon i e-mail adresu. U cilju blagovremenog obavještanja o bitnim detaljima kursa polaznici trebaju redovno provjeravati e-mail poštu putem koje će dobijati informacije o kursu.

Donja starosna granica za upis na IT kurseve je 16 godina.

**Uslovi za upis** na IT kurseve je poznavanje osnovnog rada na računaru (Windows, Word i internet), osim za kurs Osnove rada na računaru.

U slučaju upisa na napredne stepene IT kurseva (npr., IOT, izrada web aplikacija itd.) polaznici moraju poznavati osnove rada u odabranim programima koji su definisani tekstom reklame. Polaznici koji odluče da ipak žele pohađati naše IT kurseve, a ne ispunjavaju navedene uslove, u potpunosti snose odgovornost i nemaju pravo prigovora na tempo rada i sadržaj programa.

### **Uplata participacije**

Korisnici/e svoje mjesto na kursu mogu osigurati isključivo uplatom na info desku do predviđenog datuma za uplate. Osobe koje se prijave, a ne završe uplatu do navedenog datuma gube mjesto na programu.

Prilikom uplate participacije za kurs polaznici su dužni provjeriti tačan datum početka nastave i termine u kojima će se nastava odvijati. Nakon što se formiraju grupe za kurs naknadna promjena termina nije moguća.

## **Formiranje grupa i pokretanje kursa**

Odluka o pokretanju kursa i početku nastave ovisi o tome da li je za njega prijavljen dovoljan broj polaznika, te da li su blagovremeno obavljene uplate. Grupe za kurs se formiraju na osnovu broja prijavljenih osoba i izvršenih uplata.

AITI zadržava pravo da se određeni kurs prolongira ili otkaže ukoliko za njega nema dovoljan broj zainteresiranih osoba. U tom slučaju AITI će vratiti novac svim prijavljenim osobama.

## **Odustajanje od kursa i povrat novca**

AITI može vratiti novac isključivo u periodu dok traju prijave za kurs, a prije početka nastave. Nakon formiranja grupa i isteka roka za prijave AITI ne može vraćati novac, bez obzira na razlog odustajanja.

## **Redovnost dolaska na nastavu i pravila vezana za nastavni proces**

Da bi ostvarila pravo izlaska na završni ispit polaznici ne smiju imati više od 30% izostanaka.

Nakon što se prijavi i uplati kurs svaki polaznik na sebe preuzima odgovornost redovnog dolaska na nastavu. Svaki polaznik je upoznat s terminima nastave prije početka kursa i na osnovu toga odlučuje da li termin odgovara i da li će se prijaviti.

Polaznici su dužni na nastavu dolaziti na vrijeme, a u slučaju opravdanog kašnjenja biti tihi i ne ometati nastavni proces.

Polaznici su obavezni na svaki čas sa sobom donositi potrebne materijale i udžbenike.

## **Certificiranje**

Polaznicima će biti uručen certifikat o uspješno završenom programu samo ukoliko nisu imali više od 30% izostanaka s nastave i ukoliko su uspješno položili završni ispit.

Polaznici koji nisu redovno pohađali nastavu, koji nisu izašli na završni ispit ili nisu uspješno položili ispit gube pravo na certifikat.

**Molimo vas da se pridržavate navedenih pravila kako bismo zajedno dodatno poboljšali kvalitet nastave i časove učinili još efikasnijim i prilagođenijim vašim potrebama.**

## **AITI**